



Kristian Jeremiassen, Siumut  
-/Maani

## Billettit akii pillugit § 37 naapertorlugu apeqqut 222-mut akissut

Asasara Kristian Jeremiassen

Timmisartukkut billettit akii assigiinngitsut pillugit apeqqutinnut qujanaq. Apeqqutitit tulleriiaarneri naapertorlugit akineqassapput.

- 1. Naalakkersuisut sulissutinginiarnerlugu Qasigiannuani Qeqertarsuarmilu timmisartukkut angalanermut akinik tulliani angallannermut isumaqatigiissusiulerunik akikinnerusumik angalasalernissaq?**

Nuna tamakkerlugu sapinngisamik akikinnerpaamik assartuisoqarnissaa pillugu Naalakkersuisut sulissuteqartuarput aamma billettit akikinnerunissaannut periarfissanik misissuiniarput. Pingaarporli maluginiassallugu billettit akii maannakkut aningaasaqarnikkut sinaakkutissat iluanni appartinneqassappata billettit akikinnerusut kiffartuussinerup allatigut akiliuteqarneratigut pisariaqassamat. Taamaattumik innuttaasut ataatsimut isigalugu sapinngisamik qaffasinnerpaamik qanoq neqeroofiginissaannut oqimaqatigiissinneqartuassalluni.

Qasigiannuanut aamma Qeqertarsuarmut timmisartukkut billettit akiisa appartinnissaannut immikkut pilersaaruteqartoqanngilaq. Ilaasut amerlanerulissappata tamatuminnga qularnanngitsumik kinguneqarsinnaavoq.

- 2. Sooruna Kangaatsiamiit Aasiannut 15 minutsit timmisartornermi akikinnerusoq Qasigiannuaniit Ilulissanut timmisartornermut sanilliullugu?**

Maannakkut kiffartuussinissamat isumaqatigiissutit 2005-mi suliarinnittussarsiuussineq tunuliaqutaralugu suliarineqarput, taamanikkut akit aaqqissugaanerit aallaavigneqarnissaat toqqarneqarluni. Taamanikkut politikikkut aalajangerneqarpoq akit atuuttut annerpaamik 10 %-imik qaffanneqarsinnaasut, naak assartuussutaasoq allanngoraluartoq.

2006-mili Air Greenlandi orsussap akiata allanngoriartorneranik kiisalu atuisunut akit nalinginnaasumik allanngoriartorneranik iluarsinissamat taamaallaat periarfissaqarsimavoq.

Kiffartuussinissamat isumaqatigiissutit 2006-miit 2010-mut atuuttussatut siullermik naatsorsorneqarsimapput. 2010-mi Assartuineq pillugu Isumalioqatigiissitap isumaliutissiissutaa utaqqiniarlugu isumaqatigiissutit sivitsorneqarnissaat toqqarneqarpoq, 2012-milu kiffartuussinissamat isumaqatigiissutit sulii ukiunut marlunnut sivitsorneqarlutik.

Sivitsuineq pineqarmat 2006-mi isumaqatigiissutit isumaqatigiissutigineqarnerini akit aaqqissugaaneri atuuttut allanngortinneqarsinnaasimangillat.

Kangaatsiamiit Aasiannut aamma Qasigiannuaniit Ilulissanut billettit akii taamaattumik 2005-mi akit aaqqissugaanerinut naapertuupput.

22-11-2013  
Sags nr. 2013-092133  
Dok. Nr. 1399501

Postboks 1160  
Tlf: 34 50 00  
Fax: 34 55 05  
3900 Nuuk  
Email: pan@nanoq.gl  
www.naalakkersuisut.gl

3. Sooruna Upernavimmiit Kullorsuarmut 1 tiimit 15 minutsillu angalangaanni taamaallaat 900 kr. sinnilaanginnarlungit akeqartoq, uffa Qasigianguaniit Ilulissanukarniaraanni 20 minutsit timmisartorniaraanni 1500 kr.-nit sinnerlugu aammalumi ilaanni 2200 kr.-nink akeqartartoq? Sooruna isorartunerusumut ingerlasut akikinnermik akiliisartut?

Soorlu apeqqut 2-mut akissummit takuneqarsinnaasoq billettit akii 2005 sioqqullugu akit aqqissugaanerinit inernerupput. Pingaarporli maluginiassallugu timmisartornermi billettit akii nalinginnaasumik piffissamut timmisartorfiusumut taamaallaat attuumassuteqangimmata, kisianni aamma ilaasut amerlassusaannut, pisortat tapiissutassani annertussusaannut, akitsuutinut il.il.

4. Sooruna Qasigianguani Qeqertarsuarmilu innuttaasut Nanortalimmiunut saniliullutik timmisartukkut angalanialeraangamik akisunerusumik akiliisineqartartut?

Soorlu apeqqut 2-mut akissummit takuneqarsinnaasoq maannakkut akit 2005-mi akit aqqissugaanerannik aallaaveqarput aamma taamaallaat 10 %-imik qaffassinnaallutik, naak assartuinermi atorveqartoq allangoraluartoq. Taamaattumik Kujataani qulimiguulimmut akit nunap sinneranut naleqqiullutik akikinnerupput, tassa 2006 sioqqullugu aallaavigineqartoq tassaasimammat umiartorneq, taannalu qulimiguulimmik assartuinermit akikinnerulluni.

Kisitsisit 2011-meersut tunngavigalugit naatsorsuinerup, tak. tabel ataaniittoq, takutippaa Qeqertarsuup Tunuani qulimiguulimmik assartuussinermut pisortat tapiissutaat Kujataanut naleqqiullugu qaffasinnerusut, billittit akii tamarmiusut ilaatut uuttoraanni aamma koruuninngorlugu uuttoraanni:

Nunap immikkoortua	Kiffartuussinissamut isumaqatigiisummi akit (ukiumut koruunit)	Ilaasut (Amerlassusaat)	Agguaqat. billettik akia (kr.)	Billettikum ataatsimut tapiissutit (kr.)	Billettik akivia (kr.)	Billettik akianut tapiissutit annertussusiat
Qeqertarsuup Tunua – Ukiuunerani (qulimiguulik)		5.959	894	1.604	2.498	64 %
Kujataa	22.500.000	39.546	419	494	913	54 %

Billettik akiisa qaffasinnerunerinut taamaalluni nunap ilaanut allanut naleqqiullugu Qeqertarsuup Tunuani pisortat tapiissutaasa appasinnerunerat pissutaanngilaq.

Inussiarnersumik inuulluaqqusillunga

  
Steen Lyngé